

Na osnovu tačke V Programa utroška sredstava u svrhu poticanja razvoja biljne proizvodnje u 2020. godini ("Službene novine Tuzlanskog kantona" broj 6/20), i broj 94/1-11-5812-1/20 od 29.07.2020. godine, na koji je Vlada Tuzlanskog kantona dala saglasnost Odlukom broj 02/1-11-5812-1/20 od 24.08.2020. godine, tačke V Odluke o općim kriterijima za sufinansiranje nabavke visokih tunela broj 04/1-11-017299/20 od 03.09.2020. godine, Ministarstvo poljoprivrede, šumarstva i vodoprivrede Tuzlanskog kantona raspisuje :

JAVNI POZIV

za sufinansiranje nabavke visokih tunela po Programu utroška sredstava u svrhu poticanja biljne proizvodnje

I PREDMET JAVNOG POZIVA

Predmet ovog Javnog poziva je sufinansiranje nabavke visokih tunela površine 1000 m², sadnica i ostalih materijala za zasad jagode, čija ukupna vrijednosti iznosi do 4.000,00 KM.

Ministarstvo dodjeljuje sredstva u iznosu do 40 % ukupne vrijednosti ulaganja.

II PRAVO UČEŠĆA

Pravo učešća na ovom Javnom pozivu imaju fizička lica sa područja Tuzlanskog kantona, kojim su odobrena sredstva u iznosu od 40 % od ukupne vrijednosti ulaganja (nabavke i instaliranja visokog tunela površine 1000 m², sadnica i ostalih materijala za zasad jagode) od drugih institucija i organizacija.

III KRITERIJI KOJE KANDIDAT MORA ISPUNJAVATI

a) Opći kriteriji:

- da je državljanin Bosne i Hercegovine,
- da ima prebivalište na području Tuzlanskog kantona,
- da je upisan u Registar poljoprivrednih gazdinstava i Registar klijenata odnosno da izvrši upis u navedene Registre u roku od 7 dana od donošenja Odluke o odobravanju sredstava.

b) Pored općih kriterija kandidat mora ispunjavati i sljedeće posebne kriterije:

- da su mu odobrena sredstva u iznosu od 40 % od ukupne vrijednosti investicije (nabavka i instaliranje visokog tunela, sadnica i ostalih materijala za zasad jagode) od drugih institucija i organizacija,
- da je obezbijedio vlastita sredstva u iznosu od 20 % od ukupne vrijednosti investicije,
- da posjeduju vlastito zemljište, zemljište nekog od članova gazdinstva ili zemljište uzeto u zakup sa rokom trajanja od najmanje 5 godina,
- da u nabavljeni visoki tunel zasadi zasad jagode i visoki tunel zadrži u vlasništvu najmanje 2 godine od dana odobravanja sredstava.

IV DOKUMENTACIJA KOJU DOSTAVLJA KANDIDAT

Uz potpisanu prijavu kandidata (obrazac P-1), potrebno je priložiti sljedeću dokumentaciju:

1. Fotokopiju lične karte (ovjerena),
2. Potvrdu da je upisan u Registar poljoprivrednih gazdinstava i Registar klijenata, odnosno izjavu da će se upisati u navedene Registre u roku od 7 dana od dana donošenja Odluke o odobravanju sredstava (original ili ovjerena fotokopija),
3. Dokaz da su mu odobrena sredstva u iznosu od 40 % od ukupne vrijednosti ulaganja od drugih institucija i organizacija (original ili ovjerena fotokopija),
4. Potpisanu i ovjerenu od nadležnog organa izjavu kandidata da je obezbijedio sredstva u iznosu od 20 % od vrijednosti ulaganja,
5. Dokaz o vlasništvu nad zemljištem (zemljišnoknjižni izvadak / posjedovni list / ugovor o zakupu) (original ili ovjerena fotokopija) ,
Ukoliko kandidat dostavlja ugovor o zakupu obavezan je uz isti dostaviti i posjedovni list (original ili ovjerena fotokopija).
6. Potpisanu i ovjerenu od nadležnog organa izjavu kandidata da će nabavljeni platenik zadržati u vlasništvu najmanje 2 godine od dana odobravanja sredstava.

Obrazac P-1 dostupan je u Ministarstvu poljoprivrede, šumarstva i vodoprivrede Tuzlanskog kantona i na web stranici Ministarstva.

Dokumenti koji se prilažu uz prijavu na Javni poziv moraju biti originali ili ovjerene fotokopije.

Neblagovremene ili nepotpune prijave neće biti razmatrane.

Javni konkurs će biti objavljen u dnevnom listu „Dnevni avaz“ i na web stranici Ministarstva.

Prijavu sa traženim dokumentima treba dostaviti u roku od 15 dana, od dana posljednjeg objavljivanja Javnog poziva, na sljedeću adresu:

**MINISTARSTVO POLJOPRIVREDE,
ŠUMARSTVA I VODOPRIVREDE
TUZLANSKOG KANTONA
Rudarska br. 57
T U Z L A**

(sa naznakom: "Komisija za provođenje procedure za odobravanje sufinansiranja nabavke visokih tunela")